

皇極經世書卷之四





康節先生皇極經世書東史補編通載卷之四

東陽申翊聖編

以運經世之九

經元之甲一

經會之午七

經運之辛一百八十八

經世之子二千二百四十五

經世之子二千二百四十五

甲子晉惠帝十四年○新羅基臨王七年○高

句麗羨川王五年○百濟汾西王七年



河間王顥廢皇后羊氏及皇太子亶徙之  
金墉表成都王穎為太弟加九錫鎮鄴改  
元永安右衛將軍陳軫復羊氏皇后及亶  
太子大會司徒王戎及東海王越高密王  
簡平昌公模吳王晏豫章王熾襄陽王範  
左僕射荀藩八部兵奉帝北伐鄴師敗于  
湯陰嵇紹死之帝如北軍穎以帝歸鄴改  
元建武顥將張方入洛復廢皇后羊氏及  
亶太子安止將軍王浚東瀛公騰以為九  
攻鄴穎師敗帝還洛陽河間王使張方徙



帝西都長安亦復羊氏皇后及永安年號  
穎太弟以豫章王熾為太弟改元永興王  
戎與朝政始分東西臺是年李雄逐羅尚  
于成都稱王單于左賢王劉淵稱王離石  
國曰漢元曰元熙

○漢樂浪太守遣刺客殺百濟王汾西  
國人立仇首王子比流○新羅地震泉  
湧毀民屋人有死者

乙丑東海王越巖兵徐方范陽王虓抗師許昌  
成都王穎擁兵河北河間王顥又復廢羊



氏皇后以顓為大將軍都督河北虓越將  
周權入洛又復羊氏皇后洛陽令河喬殺  
周權又廢羊氏皇后虓越攻洛陽顓奔顯  
于長安漢劉淵攻晉劉琨于板橋不利

丙寅東海王越范陽王虓兵攻長安河間王顓

成都王穎走南山虓越將祈弘宋胄以帝

東還洛陽復以羊氏為皇后改元光熙越

稱太傅錄尚書事專制虓為司空卒越遂

弒帝立太弟熾是謂懷帝引温羨為司徒

王衍為司空顯穎野死李雄稱帝成都國



曰蜀元曰太武謂之後蜀

丁卯晉改元永嘉東海王越稱大丞相鎮許昌  
以後父梁芬為太尉成都王黨汲乘陷鄴  
王彌兵青徐漢劉淵破晉河東諸軍晉劉  
琨獨保晉陽

戊辰劉淵稱帝蒲子改元永鳳拔晉平陽居之  
王彌石勒附反石勒攻常山王彌攻洛陽

焚建春門

己巳東海王越入洛大臣十餘人以左僕射山  
簡征東南大將軍都督荊州南鎮襄陽漢



劉淵改元河瑞石勒兵出鉅鹿王彌兵出  
上黨劉聰兵出壺關同攻晉洛陽

庚午東海王越徵兵天下諸侯咸無從者自率  
兵出許昌漢劉淵卒子和繼叔楚王聰殺  
和代立改元光興以北海王義為皇太弟  
劉曜為相國石勒為大將軍

○新羅王基臨薨無嗣羣臣立訖解○

倭請婚于新羅以阿食惡利女送之○

百濟內臣佐平優福據北漢山叛王發

兵討之



辛未天下亂晉詔兗州荀晞會諸侯兵伐許昌  
會東海王越卒乃止是年洛陽陷王衍為  
軍王師十二敗帝及傅國六璽皆沒于寇  
長安亦陷南陽王模亦沒于寇漢劉曜王  
彌石勒拔晉洛陽俘其帝于平陽改元嘉  
平劉曜拔晉長安保之石勒害王彌于己  
吾而并其衆蜀李雄拔晉梓潼及涪城改

元玉衡

壬申晉懷帝在平陽賈疋逐劉曜于長安三輔  
與閻鼎梁芬梁綜麴允麴特奉秦王業為



皇太子以入長安鎮東將軍琅邪王麇師  
亡衆大集壽春荀晞保蒙城不利降于石  
勒劉琨保晉陽不利奔常山拓拔猗盧以  
兵六萬來救大敗劉曜劉祭于狼猛劉琨  
復保陽曲漢劉聰納劉殷女二人為皇后  
孫四人為貴嬪拔晉太原復失之

癸酉晉懷帝死于平陽皇太子業稱帝長安是  
謂愍帝改元建興以梁芬為司徒麴允為  
使持節領軍錄尚書事索綝為尚書左僕  
射琅邪王麇為左丞相都督陝東諸軍事



南陽王保為右丞相都督陝西諸軍事山  
東郡縣悉陷于寇漢石勒鎮襄國曹蕤攻  
下三齊據有廣固

甲戌晉以琅邪王睿為大司馬荀祖為司空劉  
琨為大將軍封涼州張軌為太尉西平郡  
王軌卒子寔繼稱西河王國曰涼元曰永  
興城姑臧是謂前涼漢劉聰立三皇后改

元達元劉曜圍晉長安石勒圍晉幽州

乙亥晉進左丞相琅邪王睿大都督中外軍事  
右丞相南陽王保為相國司空荀祖為太



尉大將軍劉琨為司空陶侃平江表獲杜  
破漢劉聰立七皇后授石勒專命俾征伐  
勒拔晉濮陽

丙子晉長安陷于寇帝出降于豆田中漢劉曜  
拔晉長安俘其帝于平陽改元麟嘉石勒  
拔晉太原劉琨走幽州依段匹磾

丁丑晉帝在平陽琅邪王睿渡江稱晉王于建  
康元曰建武以西陽王羲為太尉王敦為  
大將軍王導都督中外帝死于平陽

戊寅晉王睿稱帝建康改元太興以子紹為太



子是謂東晉元帝劉琨為段匹磾所害王  
敦稱牧荊州王導開府達康漢劉聰卒子  
粲繼改元漢昌將斬準殺粲代立相國劉  
曜自長安入至赤壁稱帝改元光初加大  
將軍勒元錫封趙國公國人說勒準以迎  
曜

己卯晉南陽王保保祈山稱晉王漢劉曜還長  
安改國曰趙是謂前趙殺石勒使者王循  
石勒稱王襄國國曰趙元曰趙王是謂後  
趙以張賓為之相號大執法以弟虎為之



將號元輔

庚辰晉南陽王保走桑城死涼亂張茂殺實代

立改元永和

辛巳晉王導為司空幽州陷段匹磾沒于石勒

鮮卑慕容廆受晉持節都督遼東遼西

壬午晉改元永昌大將軍王敦以武昌叛破石

頭稱丞相都督中外太保西陽王羲進位

太宰加司空王導進位尚書令石虎寇太

山梁顧以淮陰叛帝憂憤死皇太子紹嗣

位是謂明帝石勒拔劉曜河南



癸未晉改元太寧王敦假黃鉞劉曜石勒皆入  
寇趙劉曜拔晉陳安收隴城陝城及上邽  
趙石勒滅晉曹嶷于廣固梁張茂稱藩于

前趙

甲申晉王敦寇江寧帝御六軍敗敦于越城敦  
死于蕪湖王導為太宰蜀李雄以兄之子  
班為太子涼張茂卒兄子駿立改元太元  
乙酉晉以子衍為皇太子石勒入寇以陶侃為  
征西大將軍都督荆湘梁雍明帝終太子  
衍嗣位是謂成帝太后庾氏稱制司徒王



道錄尚書事同中書令庾亮關政遼西亂  
段遼弒其王自立趙石勒拔晉荆兗豫三  
州及劉曜新安許昌

丙戌晉改元咸和進王導大司馬假黃鉞都督  
中外軍事蜀李雄攻進涪城趙石勒攻晉  
汝南

丁亥晉豫州祖約歷陽蘇峻彭城王雄章武王  
休連兵犯達鄴司馬流距戰不克死于慈  
湖

戊子晉蘇峻敗內師于西陵入宮稱驃騎將軍



錄尚書事徙帝于石頭虞潭庾冰王舒釋  
義王吳會征西將軍陶侃平南將軍溫嶠  
平北將軍魏該圍峻于白石滅之峻弟逸  
代搃其衆韓昱寇宣城祖約奔石勒大敗  
劉曜于洛陽獲之遂滅前趙用徐光為中

書令

己丑晉蘇逸拔石頭帝野次滕舍敗逸于石頭  
逸退保吳興元允敗逸于漂陽滅之趙石  
生進收長安石虎破上邽殺劉熙劉胤三  
千人進平隴右



庚寅晉陸琬孔愉為左右僕射起新宮于苑陶  
祝擒郭默于尋陽蜀李雄攻晉巴東涼張  
駿稱藩于石勒趙石勒稱帝自襄國徙都  
鄴改元建元

辛卯晉以陸琬為尚書令

○高句麗王乙弗薨號羨川太子斯由  
踐位改名釗王如卒本祀始祖廟賑百  
姓老病者○高句麗王遣使如晉

壬辰晉徙居新宮進太尉陶侃大將軍趙石勒  
卒子弘繼改元延熙加石虎九錫身政



丞相魏王殺中書令徐光及右長史程遐  
癸巳晉遼東公慕容廆卒子統繼蜀李雄卒子  
班繼叔父壽專政趙亂石堪出奔譙城石  
郎稱兵洛陽石生抗軍長安石虎咸滅之

經世之丑二千二百四十六

甲午東晉成帝九年○新羅訖鮮王二十五年

○高句麗斯由王四年○百濟比流王

三十一年

蜀李班為庶兄越所殺立雄子期改元至  
恒越專政涼張駿受晉大將軍命



紀世書 補紀卷之十 十九

乙未晉改元咸康石虎入寇假大司馬王導  
出兵戍慈湖牛渚蕪湖趙亂石虎殺弘  
代立稱攝天王改元遠武

丙申

丁酉鮮卑慕容皝稱王遼東趙石虎稱正天王  
戊戌單于冒頓拓拔什翼犍稱王定襄國曰代  
元曰建國蜀亂李壽自漢中入殺期代立  
改國為漢元曰漢興慕容皝攻後趙

己亥晉王導卒伐蜀

庚子晉陸琬為司空遼東慕容皝獻伐石虎之



捷漢李壽拔晉州

辛丑晉慕容皝求為假燕王徙居和龍

壬寅晉成帝崩母弟琅邪王岳立是謂康帝封

成帝二子丕為琅邪王奕為東海王中書

監庾冰中書令何充尚書令諸葛恢輔政

漢李壽卒子勢繼改元太和

○高句麗王修葺丸都城秋八月移居

丸都冬燕王慕容皝自將勁兵四萬以

慕容翰慕容霸為前鋒攻陷丸都城麗

王單騎走入斷熊谷燕散義川王慕載



其死虜主母王妃男女五萬餘口燒宮  
室毀都城而還王遣弟稱臣貢珍異千  
數乃還其父死猶留其母為質麗王移  
居平壤東黃城

癸卯晉改元建元

甲辰晉康帝崩太子驍繼是謂穆帝太后稱制  
趙石虎伐梁不利伐燕有功

○百濟王比流薨無嗣立汾西王長子  
契王○倭遣使新羅請婚不報倭移書

絕交



乙巳晉改元永和會稽王昱錄尚書六條事專

政

丙午晉桓溫伐蜀漢李勢平李奕改元嘉寧涼

張駿卒子重華繼改元永樂趙石虎攻涼

金城

○百濟契王薨無嗣比流王第二子近

肖古踐位○倭寇新羅圍金城惡伊伐

食康世閉門不出待其師老以勁騎擊

走之

丁未晉桓溫滅蜀徙李斯于建康蜀復亂范賁



稱帝成都涼張重華敗石虎于拖罕

戊申晉桓溫為征西大將軍入長安至于灞上

遼東慕容皝卒子雋繼趙石虎攻晉竟陵

己酉晉平蜀亂鮮卑慕容皝稱王遼東國曰燕

元曰燕元是謂前燕趙石虎稱帝改元大

寧虎卒子世繼張豺為相專制內亂作石

遵自關右入殺世及張豺代立石永自薊

門入殺遵不克石閔殺遵立石鑿改元青

龍閔稱大將軍專政苻洪稱兵廣川

庚戌趙石鑿殺大將軍閔及李農不克閔殺鑿



代立復姓冉氏改國為魏元曰永興大滅  
石氏宗室暨弟祇稱帝襄國以將劉顯南  
攻冉氏不克殺祇以降閔破襄國誅顯滅  
其族將苻健自苻頭入關逐杜洪于長安  
據之將魏統以兗州奔過以豫州樂弘以  
荊州鄭系以洛州入于晉劉淮以幽州入  
于燕燕南略地至幽冀

辛亥趙將司成以廩丘高昌以野王樂立以許  
昌李歷以衛州請附于晉劉啓姚弋中亦  
奔于晉魏冉閔攻燕不利死國亡石虎將



符健稱天子于長安國曰秦元曰皇始是  
謂前秦敗秦軍于五丈原燕慕容雋南伐  
魏滅閔于昌城

壬子晉武陵王晞為太宰會稽王昱為司徒大  
將軍桓溫為太尉魏弼智以鄴降燕慕容  
雋稱帝自和龍徙居中山改元天璽秦符  
健稱帝長安

癸丑涼秦相攻涼張重華卒子耀靈繼伯父祚  
殺耀靈代立改元永平

甲寅晉太尉桓溫伐秦至灊上秦符健敗晉軍



于白鹿原又敗之于子午谷

乙卯晉將段龕敗燕軍于狼山右軍王羲之辭  
官歸涼宋混張瓘殺張祚立耀靈弟玄靚  
改元太始燕南攻晉不利秦苻健卒子生

繼

○高句麗納質修貢請其母于燕許之  
丙辰晉桓溫敗姚襄軍于伊水遂復洛陽秦苻  
生改元壽光

○新羅王訖解薨無嗣立味鄒王姪金  
奈勿



丁巳晉改元升平帝加元服王彪之為左僕射  
燕改元光壽自中山徙都鄴秦苻生任用  
其人雄子堅殺生代立去帝稱王改元永  
興以王猛呂婆樓強注梁平老為之輔

戊午晉將馮騫以衆入于燕燕拔晉上黨

己未晉伐燕不利燕敗晉于東阿秦改元甘露  
以王猛為中書令尹京兆

庚申晉仇池公楊俊卒子世繼燕慕容雋卒子  
暉繼改元建熙慕容恪為太宰專政慕容  
平為太傅慕容根為太師慕容垂為河南



大都督根作逆伏誅

辛酉晉穆帝終立成帝子琅邪王不是謂哀帝

壬戌晉改元隆和燕師攻晉洛陽

癸亥晉改元興寧桓溫為大司馬假黃鉞都督

中外軍事北伐涼張天錫殺玄靚代立改

元太清燕將慕容評攻晉許昌

經世之寅二千二百四十七

甲子東晉哀帝三年○新羅奈勿王九年○高

句麗故國原王三十四年○百濟近肖

古王十九年



帝餌丹有疾太后稱制燕秦入寇洛陽

○倭兵大至王造草偶人為疑兵伏勇士一千於斧峴倭人直進伏發掩擊殺之幾盡○秦王猛伐燕破之太傅慕容評奔高句麗王執送於秦○高句麗屢侵百濟敗北

乙丑晉哀帝終于餌丹弟琅邪王奕立洛陽陷

于燕司馬勳以梁州叛稱成都王秦改元

建元匈奴二右賢王以朔方叛平之

丙寅晉改元太和會稽王昱為丞相燕秦入寇



梁張天錫受晉命大將軍都督隴右燕拔  
晉魯郡秦拔晉南鄉

丁卯燕攻晉竟陵秦攻晉涼州

戊辰秦苻雙以上邽苻抑以蒲坂叛王猛悉平  
之

己巳晉大司馬桓溫北伐燕不利歸罪袁真袁  
真以壽陽入于燕燕大將慕容垂敗秦師  
于枋頭以衆降秦評害功故也秦救燕有  
功取燕之金墉責無信也

庚午晉壽陽袁真卒子璿繼桓溫敗璿于壽陽



廣漢及成都寇亂王猛滅燕于鄴徙慕容  
暉于長安收軍五十七猛留鎮鄴

辛未晉桓溫平壽陽獲袁瑾以歸廢其君奕為  
海西王立會稽王昱改元咸安是謂文帝

溫稱丞相鎮姑熟專制殺太宰武陵王晞  
新蔡王晃仍降海西王為公及害其二子

與毋

○百濟王帥精兵攻高句麗平壤城麗  
王釗力戰拒之中流矢薨太子丘大踐

位○百濟王移都漢山遣使朝晉



壬申晉命百濟餘句為鎮東將軍領樂浪守度  
晞以海陵叛入于京口文帝昱終于曜嗣  
是謂武帝桓溫還姑熟秦王猛平慕容桓  
于遼東滅仇池公揚世于秦州

○秦王苻堅送浮屠順道及佛像佛經  
于高句麗高句麗有佛法始此

癸酉晉改元寧康大司馬桓溫卒太后攝制王  
彪之為尚書令謝安為尚書僕射專政張  
天錫貢方物秦拔成都及梓潼

○百濟禿山城主投新羅王納之分居



唐漢及成都寇亂王猛滅燕于鄴徙慕容  
暉于長安收軍五十七猛留鎮鄴

辛未晉桓溫平壽陽獲袁瑾以歸廢其君奕為  
海西王立會稽王昱改元咸安是謂文帝

溫稱丞相鎮姑熟專制殺太宰武陵王晞  
新蔡王晃仍降海西王為公及害其二子

與母

○百濟王帥精兵攻高句麗平壤城麗  
王釗力戰拒之中流矢薨太子丘大踐

位○百濟王移都漢山遣使朝晉



卷之二

三



六部百濟王移書曰兩國和好約為兄弟今王納我叛民甚乖和親之意請還之荅曰民無常心懷則來歟則去王不患民之不懷而責寡人乎

甲戌晉桓石破秦軍于墊江張育稱王于蜀秦復平之

○百濟以高興為博士百濟始有書記  
乙亥秦大將軍王猛卒

○高句麗攻百濟北部水谷城陷之又將大舉兵報之以年荒不果○百濟近



肖古王薨太子近仇首踐位○高句麗

遣使朝秦○新羅遣使如晉貢方物

丙子晉改元太元加元服皇太后委政桓冲桓

豁為將軍謝安為尚書監錄尚書事秦滅

前涼徙張天錫于姑臧又平朔方獲拓拔

什翼犍徙之長安

丁丑晉秦二國抗衡天下

戊寅晉作新宮

己卯晉敗秦軍于淮南秦拔晉襄陽

庚辰晉李遜以交趾叛秦苻洛以和龍叛



辛巳晉謝石為尚書僕射桓石攻秦有功四夷

六十二國修貢于秦

壬午

癸未晉伐蜀敗秦軍于武當秦苻堅舉國南伐

晉謝安帥謝琰謝玄桓冲桓伊大敗秦師

于淝水進圍洛陽秦苻堅喪師壽春苻融

没于戰諸將咸叛慕容垂稱王滎陽北居

中山國曰燕元曰燕元是謂後燕攻苻丕

于鄴勾町翟真以行唐叛仇池楊世入于

晉



甲申晉假謝安黃鉞都督軍事鎮廣陽領荆南  
十五州復襄陽秦符郎以青州降秦符堅  
來乞師遣劉牢之救鄴秦將姚長稱王萬  
年國曰秦元曰建初是謂後秦慕容冲稱  
王阿房慕容泓稱王華池慕容永稱王長  
子吕光稱王酒泉萇冲兵玄逼長安燕北  
伐高句麗復遼東故地

○百濟近仇首王薨太子枕流踐位始  
立太學○百濟遣使朝晉胡僧摩羅難  
陀自晉至百濟王迎致宮內禮敬焉百



濟有佛法始此○高句麗小獸林王薨  
無嗣立其弟伊連○高句麗出兵四萬  
陷遼東玄菟虜男女一萬口而還燕慕  
容農將兵攻麗復遼東玄菟二郡

乙酉晉謝安救秦至于長安復洛陽以還卒秦  
苻堅没于姚萇子丕自鄴攻晉陽稱帝改  
元太安慕容冲屠長安秦將乞伏國仁稱  
牧姚罕國曰秦元曰達義是謂西秦燕慕  
容垂南平鄴徙都之秦姚萇獲苻堅子五  
將山歸殺之于新市是年冒頓拓拔什翼



珪稱王定襄之成樂國曰魏元曰登國是  
謂後魏道武皇帝

○百濟枕流王薨立其弟辰斯○百濟  
設關防自青木嶺北距八坤城西至于  
海

丙戌秦苻丕為慕容永所敗走晉東桓為晉將  
馮該所殺其衆奔杏城苻登稱帝隴東改  
元太初苻堅將呂光稱牧姑臧國曰涼元  
曰太安是謂後涼燕慕容垂稱帝于鄴改  
元建興慕容冲為將段木延所害其衆奔



垂慕容永稱帝長子秦姚萇稱帝徙居長安改元建初

丁亥晉以子德宗為太子敗翟遼于洛口秦苻登東攻姚萇封乞伏國仁為苑川王

戊子秦苻登攻姚萇不利秦乞伏國仁卒弟乾歸立稱河南王改元太初徙都金城

己丑晉陸納為尚書令彭城妖賊亂翟遼圍滎陽秦姚萇西攻苻登涼呂光稱三河王改

元麟嘉

庚寅晉敗翟遼于滑臺永嘉亂秦苻登攻姚



葭不利

辛卯晉王昶爲左僕射謝琰爲右僕射

壬辰晉蔣詒以青州亂慕容垂平勾町翟釗于

滑臺西秦乞伏乾歸開地至巴及隴

○高句麗故國原王薨太子談德踐位

○王帥兵四萬攻陷百濟北鄙石峴等

十餘城漢水北諸部落多沒焉又拔百

濟關彌城

癸巳秦苻登攻姚葭不利秦姚葭卒子興繼去

帝稱王



○百濟王辰斯田於狗原經旬不返薨  
於行宮立枕流王之子阿莘○倭兵圍  
新羅金城閉門固守伺賊退勇騎二百  
步卒一千要歸路夾擊大敗之○百濟  
王憤關彌城為高句麗所有以其舅真  
武為左將將兵一萬伐高句麗武親冒  
矢石身先士卒城垂拔以糧匱引還○  
高句麗等國南七城以備百濟百濟真  
武伐高句麗大敗於湏水死者八千人  
冬十二月濟王欲雪湏水之恥以兵七



千次青木嶺下會大雪士卒凍死回軍  
自是兵連禍結民甚苦之多奔新羅○  
百濟與倭結好遣太子腆支為質

經世之卯二千二百四十八

甲午東晉孝武帝二十二年○後魏道武皇帝  
十年○新羅奈勿王三十九年○高句麗  
廣開土王三年○百濟阿莘王三年

秦苻登攻姚興不利戰死子崇立奔湟中  
稱帝改元延初為乞伏乾歸所滅燕慕容  
垂平慕容永子長子秦姚興復稱帝魏里



改元皇初涼呂光徙居樂都

○慕容盛以麗王禮慢自將三萬以驃騎大將軍慕容熙為前鋒拔高句麗新城南蘇二城拓地七百餘里徙五千餘戶而還

乙未燕慕容垂攻魏不利魏破燕師于秦谷

丙申晉武帝汎舟于泉池没太子德宗嗣位是

謂安帝會稽王道子專政燕慕容垂拔魏

平城垂卒于上谷子寶繼改元永康太原

陷于魏魏拔燕并州圍中山稱帝改元皇



始涼呂光稱天王改元龍飛

丁酉晉改元隆安兖州王恭豫州庾楷吳郡王  
欽各以城叛燕慕容寶北走龍城慕容祥  
稱帝中山慕容晉隣殺祥代立慕容賀隣  
自丁零入又殺晉隣代立徙居鄴中山陷  
于魏呂光寇西秦自金城復徙居苑川涼  
呂光將禿髮烏孤稱王廡川國曰涼元曰  
太初是謂南涼涼呂光將沮渠蒙遜立段  
業爲牧于張掖國曰涼元曰神璽是謂北

涼



戊戌晉北伐燕師敗于管城兗州王恭豫州庾  
楷荊州殷仲堪廣州桓玄兵犯建鄴敗內  
師于白石假會稽王道子黃鉞玄師敗之  
潯陽杜炯以京口亂燕慕容寶南伐至于  
黎陽乃復將蘭汗殺寶代立于龍城稱昌  
黎王改元青龍寶子盛誅蘭汗稱王改元  
建平稱帝再改元長樂鄴陷于魏范陽王  
慕容德自鄴南走滑臺稱王改元年是謂  
南漢魏拔燕之鄴及信都改元天興自盛  
樂徙居平城涼禿髮烏孤克金城敗呂光



于街亭稱武威天王

己亥秦姚興拔晉洛陽燕慕容德拔晉青州仇  
池揚盛稱藩于晉妖賊孫恩陷晉會稽晉  
謝琰劉牢之往伐劉裕始參軍政秦姚興  
去帝號稱王改元弘始魏南攻滑臺涼呂  
光傳子紹位稱太上皇光卒兄纂殺紹代  
立涼禿髮烏孤徙居樂都烏孤卒弟利鹿  
孤立又徙居西平仍附于姚興涼段業稱  
天王改元天璽大將沮渠蒙遜出守西安  
燕慕容德逐辟閭渾于廣固徙居之滑臺



没于魏

庚子晉司馬劉裕敗孫恩于臨海以揚州元顯  
為十六州都督熒慕容盛去帝號稱庶人  
天王破高句麗秦姚興破西秦俘其王乞  
伏乾歸于長安涼呂纂改元咸寧大司馬  
呂弘殺纂不克涼利鹿孤改元建和涼將  
李暠稱收秦州國曰涼元曰庚子是謂西  
涼熒慕容德稱帝廣固改元建平

辛丑晉平孫恩劉裕出守下丕熒慕容盛將段  
璣行弒盛叔父熙誅璣稱帝改元光始秦



姚興放乞伏乾歸還苑川涼呂超弒其君  
纂立其兄隆改元神鼎稱藩于姚興涼禿  
髮利鹿孤稱河西王涼大將沮渠蒙遜自  
西安入殺段業代立改元永安

壬寅晉改元元興桓玄據荊州建牙夏口假揚  
州元顯黃鉞顯軍敗玄入于建業稱侍中  
丞相錄尚書事又稱太尉捨百揆乃殺都  
督元顯及會稽王道子以琅琊王德文為  
太宰改元大亨劉軌以冀州叛秦姚興伐  
呂光有功拒魏不利魏敗秦軍于蒙坑涼



禿髮利鹿孤卒弟傳檀立改元弘昌徙居  
樂都涼沮渠蒙遜稱藩于姚興

○新羅奈勿王薨嗣子幼弱國人立金  
闕智之裔孫實聖○王常恨奈勿王質  
已於高句麗思欲釋憾遣其子未斯欣  
質于倭以未斯品為舒弗邯委以軍國  
事

癸卯晉加桓玄九錫稱相國楚王用天子器服  
玄竊命徙其帝于永安宮降為平固王遷  
之潯陽改國曰楚元曰永始



甲辰晉帝在潯陽劉裕唱義師沛國劉毅東海  
何無忌二州兵大敗桓玄兵于京口又敗  
玄將桓弘于廣陵吳甫之于江乘皇甫敷  
于羅洛玄逼帝走江陵裕又敗玄兵于淦  
口玄又逼帝東下裕又敗玄兵于崢嶸洲  
又破之于覆舟山迎帝入江陵玄敗死于  
枚灑洲其將桓振復陷江陵幽帝譙縱以  
成都叛稱王秦姚興入十二郡修好貢于  
晉魏改天賜涼呂隆奔姚興國亡涼傳檀  
去王號求姑臧于姚興慕容德卒兄之



子超立

乙巳晉平桓振帝自江陵還建業改元義熙劉  
裕都督中外錄尚書事還鎮丹徒涼偃檀  
受姚興命徙姑臧莫慕容超改元太上涼  
李暠徙居酒泉改元建初稱藩于晉

○百濟阿莘王莞太子腆支踐位○腆

支質倭國仲弟訓解攝國政以待太子

還季弟磔禮殺訓解自立腆支聞王訃

請歸國倭主以兵衛送至國界依海島

國人殺磔禮迎立為王○新羅王聞倭



人置營於對馬島鍊兵峙糧謀將襲之  
欲先其未發擊破之舒弗郎未斯品曰  
臣聞兵凶戰危况涉巨浸以伐人脫或  
失利悔不可追不若依險設關來則禦  
之伺便出擊此所謂致人而不致於人  
策之上也王從之○高句麗王遣使北  
爨且叙宗族北爨王雲遣侍御史李技  
報之雲祖父高和本勾麗支庶仕爨慕  
容寶以雲子之仍賜姓遂代天王位

丙午晉伐蜀敗譙縱于白帝孔安國為尚書左



僕射大將軍劉裕開府京口仇池楊盛稱  
藩夔慕容超三將奔晉夔慕容熙將馮跋  
殺熙立慕容雲復姓高氏稱王改元正始  
秦姚興將赤連勃勃稱天王于朔方國曰  
夏元曰龍昇

丁未晉劉裕入朝殺東陽太守殷仲文南蠻校  
尉殷叔文晉陵太守殷道叔永嘉太守駱  
球姚興攻禿髮傉檀及赤連勃勃乞伏乾  
歸復稱王苑川改元更始涼禿髮傉檀攻  
沮渠蒙遜及赤連勃勃



戊申晉劉裕入搃朝政北敗慕容超于臨朐出  
大碓進圍廣固魏國亂后萬人同于申弒  
其君珪次子紹誅萬人及申自立是謂明  
帝賀夫人及子紹弒珪秦乾歸南攻姚興  
涼傳擅復稱王姑臧改元嘉平夏勃勃南  
攻姚興

己酉晉劉裕滅南燕徙慕容超于建鄴後燕國  
亂將馮跋用幸臣離班殺雲代立稱天王  
改元太平是謂北燕魏改元永興秦乾歸  
平挹罕夏赫連攻姚興



庚戌晉始興賊盧循兵寇建鄴劉裕大破之循  
走潯陽再破之于豫章裕假黃鉞蜀兵陷  
巴東秦乞伏乾歸為兄之子公府所殺子  
熾盤誅公府而自立改元永康涼沮渠蒙  
遜攻李嵩有功夏赫連勃勃攻姚興不利  
辛亥晉劉裕南敗盧循盧循走交州死劉毅以  
江陵叛涼沮渠蒙遜攻禿髮得檀有功夏  
赫連勃勃攻姚興不克

壬子晉劉裕殺劉藩及謝琨遂平劉裕于江陵  
涼傳檀徙居樂都姑臧陷于沮渠蒙遜涼



蒙遜拔禿髮得檀姑臧徙居之稱西河王

改元玄始

癸丑晉朱齡石平蜀魏改元神瑞與秦姚興和  
親秦熾盤破吐谷渾于澆河涼得檀攻蒙  
遜不利夏改元鳳翔城統萬

○高勾麗廣開土王談德薨太子巨連  
踐位○新羅會王山崩水湧高三丈

甲寅秦乞伏熾盤滅南涼禿髮得檀

乙卯晉荊州刺史司馬休之雍州刺史魯宗之  
叛裕攻破之逐之于江陵劉穆之為尚書



僕射秦姚興卒子泓繼弟弼作亂不克魏

改元太常

丙辰晉劉裕北伐姚泓拔洛陽進逼潼關加裕

九錫授百揆封宋國公秦姚泓改元永和

洛陽陷于晉姚懿姚拔內叛兵逼長安姚

紹平之秦乞伏熾盤拔沮渠蒙遜河湟夏

赫連勃勃拔姚泓陰密

丁巳晉劉裕平長安滅後秦執姚泓以歸以子

義直守長安裕加宋王魏南攻晉兵敗于

河曲梁季高卒子歆立改元嘉興



○新羅訥祗弒其君實聖自立彌麻立  
干○新羅歆良州干朴堤上如倭不屈  
死之

戊午晉劉裕弒其君德宗立其弟琅琊王昌明  
是謂恭帝長安陷于夏涼李歆稱藩于晉  
夏赫連勃勃拔晉之長安稱帝改元昌武  
己未晉改元元熙宋王劉裕自揚州入用天子  
服器秦乞伏熾盤改元達弘夏赫連勃勃  
還居統萬改元真興

庚申劉裕代晉命于揚州是謂武帝改國曰宋



元曰永初降其君德文為零陵王

○百濟腆支王薨長子久余辛踐位

辛酉宋零陵王德文卒

壬戌宋武帝劉裕終子義符繼魏攻宋滑臺

癸亥宋改元景平魏攻宋金墉明帝紹終子壽

繼是謂太武皇帝梁沮渠蒙遜滅西涼執

李歆歸于姑臧

經世之辰二千二百四十九

甲子宋帝義符二年○魏太武元年○新羅訥

祇王八年○高句麗長壽王十二年○



百濟久余辛壬五年

宋徐羨之傳亮行弒立其弟義隆是謂文帝還都建鄴改元元嘉魏改元始光

○新羅教民牛車之法王親養老於南堂賜穀帛有差

乙丑魏武帝以崔浩為相夏赫連勃勃卒子昌繼改元承光

丙寅宋文帝誅執政徐羨之及傅亮謝晦以荊州叛平之魏按夏之長安

丁卯魏西破夏赫連昌



○百濟久余辛王薨子毗有踐位○高  
句麗移都平壤○百濟遣使朝宋宋遣  
使冊授前王腆支爵號○百濟遣使新  
羅請和又送良馬白鷹新羅王以黃金  
明珠報聘○高句麗王遣使朝魏請國  
諱世祖嘉其誠款使錄世系及諱以與  
之遣使封王爵

戊辰魏改元神廡武帝破夏于統萬俘赫連昌  
以歸西北開地三千里秦乞伏熾盤卒子  
慕末繼改元永弘涼沮渠蒙遜改元承玄



夏之統萬陷于魏弟定代立徙居平涼改元勝光

己巳

庚午宋之金墉陷于魏樊馮跋卒弟弘殺跋其子翼代立改元太興魏拔宋洛陽梁沮渠蒙遜改元義和夏赫連定攻秦慕末

辛未宋之滑臺陷于魏夏滅西秦于花川俘其君乞伏慕末魏滅夏于平涼俘其君赫連定

壬申宋謝靈運棄市于廣州魏改元延和遼西



內附

癸酉宋謝惠連卒涼沮渠蒙遜卒子牧犍繼改

元永和

甲戌魏南開地至漢中

乙亥魏改元太延

丙子宋誅檀道濟滅北燕虜馮弘于遼東

丁丑

戊寅

○高句麗王殺莫王弘初莫王馮弘患

數被魏侵國日感密遣使乞援于高句

麗王遣將葛盧等將兵數萬隨使至



和龍迎燕王弘至遼東王遣使勞之曰  
龍城王馮君爰適野次士馬勞乎弘慙  
怒稱制讓之王屢之平郭尋徙北豐弘  
素侮高勾麗政刑賞罰如在其國王乃  
奪其侍人取其太子王仁為質弘怨之  
遣使如宋上表求迎宋太祖遣王白駒  
等迎之並令高勾麗資送王不欲弘南  
往遣將孫漱高仇等殺弘于北豐並其  
子孫十餘人白駒以所領七千兵掩討  
殺仇擒漱王以白駒等專殺執送之太



祖下白駒等獄而已原之

己卯魏滅北涼于姑臧獲沮渠牧犍以歸

庚辰魏改元太平真君與宋稱南北朝

辛巳

壬午

癸未魏克仇池

甲申

○倭寇新羅糧盡羅王欲出兵追之左

右諫不聽追戰獨山東大敗將士死者

過半王蒼黃棄馬登山賊圍王數重忽

昏霧不辨咫尺賊謂有陰助乃退



乙酉

丙戌魏毀象教

丁亥魏城長安

戊子

己丑

庚寅魏南伐開地江淮夷宰相崔浩三族

辛卯魏改元正平伐宋至于瓜步

壬辰魏國亂中常侍宗愛弒其君武帝立南安

王余改元承平又殺之羣臣迎武帝孫濟

立之是謂文成皇帝改元興安夷宗愛三



族元壽樂為太宰都督中外錄尚書事

癸巳宋國亂太子邵弒其君文帝代立改元太

初少子武陵王駿稱帝新亭克達康誅二

凶改元孝建是謂孝武皇帝

經世之已二千二百五十

甲午宋孝武皇帝二年○魏文成皇帝三年○

新羅訥祇王三十八年○高句麗長壽

王四十二年○百濟毗有王二十八年

魏改元興光

乙未魏改元太安



○百濟王毗有薨長子餘慶踐位

丙申

丁酉宋改元大明

戊戌

○新羅地震金城南門毀秋訥祇王薨

長子慈悲王踐位

己亥

○倭舡百餘艘襲新羅東邊進圍月城

四面矢石如雨王固守賊將退出兵擊

敗之追至海口賊溺死者過半○百濟

王遣使朝魏上表請伐高句麗帝遣使

者郤安回詔賜百濟王璽書褒美安等



至海遇風竟不達而還百濟王以上表  
乞師於魏不許怨之遂絕朝貢

庚子魏改元和平

辛丑

壬寅

癸卯

甲辰宋孝武帝終太子業嗣位改元永光

乙巳宋改元景和業立不明臣壽寂殺之迎湘

東王彥立之改元太始是謂明帝魏文成

帝終太子弘嗣位是謂獻文皇帝



丙午宋晉安王子勛以潯陽叛稱帝平之冊子

昱為太子魏師入寇魏改元天安盡取宋

江北地大丞相乙潭謀逆伏誅

丁未魏改元皇興

戊申

己酉

庚戌

辛亥魏獻文授太子宏位是謂孝文皇帝弘稱

太上皇改元延興

壬子宋改元泰豫明帝失道死太子昱立



癸丑宋改元元徽

甲寅宋桂陽王休範以江州叛兵犯建業右衛

將軍蕭道成平之

乙卯魏改元承明

○新羅王移居明活城○高句麗王巨

璉自將攻百濟殺其王餘慶子文周遵

父命避亂南行以存宗社乞兵新羅比

還城破燕兵已退遂踐位都熊津

丙辰宋達平王景素謀殺蕭道成不克道成為

司空錄尚書事魏太后馮氏弒太上皇



丁巳宋國亂蕭道成弑其君昱廢為蒼梧王立  
明帝子準改元昇明道成假黃鉞稱齊國  
公專制改元太和

○耽羅國獻方物于百濟國在南海中  
古無人物有三神人從地湧出長曰良  
乙那次高乙那三夫乙那一日三人出  
獵得石函有三女及諸狗獮五穀種遂  
分娶居焉始播五穀養狗獮日就富庶  
耽羅或稱耽牟羅○百濟兵官佐平鮮  
仇弑其君文周初鮮仇畜無君之心王



不能制伺王出獵使盜殺之太子三斤

踐位年十三鮮仇與蕤信聚眾據大豆

城蕤王命德率真老帥精兵五百討誅

鮮仇蕤信奔高句麗收其妻子斬于市

戊午

己未宋相國蕭道成稱王是年代宋命于達鄴

改國曰齊元曰達元是謂太祖以子贖為

皇太子降其君準為汝陰王殺之

○新羅慈悲王薨長子炤智踐位○百

濟王三斤薨立文周王弟昆支之子年



大○高句麗與靛鞞攻取新羅孤鳴等  
七賊新羅與百濟伽倻拔兵追擊大破  
斬首千餘級

庚申

辛酉

壬戌齊高帝道成終太子贍嗣位是謂武帝以  
子懋為太子攻魏淮南

癸亥齊改元永明

經世之午二千二百五十一

甲子齊武帝二年○魏孝文帝十四年○新羅



新羅書紀卷之四  
三十一  
昭智三六年○高句麗長壽王七十一年○百濟東城王六年

○高句麗侵新羅羅軍與百濟合擊大破之高句麗遣使朝魏魏以高句麗方強置諸國使邸齊第一麗次之

乙丑

丙寅

丁卯

戊辰

○新羅置駟○新羅王妃及內殿焚修僧伏誅春正月十五日王幸天泉寺有



烏啣書來鳴得其書外面云開見二人  
死不開見一人死王曰與其二死孰若  
一人死日官奏曰一人者王也王開視  
之書云射琴匣王入宮射之果內殿焚  
修僧與王妃潛通者也妃與僧皆伏誅  
自是國俗每歲是日以糲飯祭烏○新  
羅王移居月城百濟民飢亡入新羅六  
百餘家

己巳

庚午



辛未

○高勾麗長壽王薨太孫羅雲踐位○

扶餘王以國降高勾麗○新羅與高勾

麗戰薩水原不克退保大牙城麗兵圍

之百濟遣兵三千解圍○高勾麗兵圍

百濟離壤城百濟請救於新羅王命將

救之麗眾潰○高勾麗攻新羅牛山城

羅將實竹擊敗之兩國連年相攻○百

濟大旱民飢相食群臣請發倉賑救王

不聽漢山人亡八高勾麗者二千濟王

起臨沉閣穿池置圍養奇禽諫臣抗疏

起臨沉閣穿池置圍養奇禽諫臣抗疏



報恐有復諫者閉宮門

壬申魏伐蠕蠕

癸酉齊武帝終太子懋亦卒其孫昭業立

甲戌齊改元隆昌五月西昌侯蕭鸞行弒廢其

君為禰林王立其弟昭文改元延興鸞假

黃鉞稱宣城王都督中外專制十月宣城

王蕭鸞廢昭文為海陵王殺之代立是謂

明帝改元建武以子寶卷為太子魏大伐

于齊

乙亥齊大殺宗室是年魏自平城徙都洛陽用



中國禮樂

丙子魏改姓元氏

丁丑

戊寅齊改元永泰明帝鸞終太子寶卷嗣位魏

伐齊拔新野

己卯齊改元永元以子誦為太子魏孝文帝終

子恪繼嗣位是謂宣武皇帝彭城王勰受

顧命輔政

庚辰齊崔慧景以廣陵叛兵犯達鄴蕭懿平之

寶卷殺懿蕭衍稱兵襄陽蕭穎曹稱兵荆



州魏改元景明彭城王勰拔齊壽春

○新羅炤智王薨無嗣立其從弟智大  
路

辛巳齊蕭衍立南康王寶融于江陵以兵圍臺

城國人殺寶卷而入寶融于建鄴是謂和

帝改元中興衍稱相國司空假黃鉞錄尚

書事專制廢寶卷為東昏侯蕭寶寅奔魏

○百濟芳加弒其王年太子餘隆踐位

討芳加誅之

壬午齊蕭衍被九錫封梁王四月衍代齊命于



建鄴是謂武帝改國為梁元曰天監以子  
統為皇太子降其君寶隆為巴陵王殺之  
于姑孰

癸未

○新羅從羣臣議始定國號新羅稱王

新者德業日新羅者網羅四方之義制

喪服法定國內州郡縣始命有司歲水

制舟楫之利○百濟立二柵於高木城

南又築長嶺城以備鞞鞞修堤堰駟內

外遊食者歸農○高句麗百濟皆遣使

朝梁



甲申魏改元正始

乙酉

丙戌

丁亥東西夷四十國修貢于魏

戊子魏改元永平殺太師元勰

己丑戎夷二十四國修貢于魏

庚寅

辛卯東西夷二十九國修貢于魏

壬辰魏改元延昌

○于山國降新羅納土貢于山國在溟



經世之末二千二百五十二

州正東海島名鬱陵地方百里恃險不

服伊飡異斯夫為何瑟羅州軍主以計

服○高勾麗釐取百濟加弗及圓山城

虜男女二千餘口百濟帥三千騎禦戰

麗人見軍少不設陣百濟大敗之

癸巳

經世之末二千二百五十二

甲午梁武帝十三年○魏武帝十五年○新羅

智証王十五年○高勾麗文咨王二十

四年○百濟武寧王十四年



○新羅王智大賚謚智証新羅有謚  
法始此子原宗踐位○新羅始置兵部  
令一人

乙未魏宣武終太子詡嗣位是謂孝明皇帝太  
后胡氏專制劉騰元又為輔相

丙申魏改元熙平

丁酉

戊戌魏改元神龜

己亥 ○高句麗文咨王薨太子興安踐位○

新羅頒律令始制百官公服○高句麗



百濟遣使朝梁受冊封○新羅遣使朝

梁

庚子梁改元普通魏改元正光幽靈太后胡氏  
于北宮

辛丑

壬寅

癸卯 ○百濟武寧王薨子明禮踐位

甲辰

乙巳魏改元孝昌相劉騰元又罪免為庶人迎  
太后胡氏于北宮還政中山上谷彭城寇



亂

丙午

丁未梁帝衍沒身于同泰寺改元大通魏諸郡

寇亂

戊申魏改元武泰太后胡氏殺其帝詡立無名

子大都督余朱榮自太原入殺無名子及

太后胡氏諸王貴臣于河陰立長樂王攸

是謂莊帝改元建義又改元永安榮都督

中外諸軍事稱太原王還晉陽專政

○新羅始行佛法



百濟遣使朝梁受冊封○新羅遣使朝

梁

庚子梁改元普通魏改元正光幽靈太后胡氏

于北宮

辛丑

壬寅

癸卯 ○百濟武寧王薨子明禮踐位

甲辰

乙巳魏改元孝昌相劉騰元又罪免為庶人迎

太后胡氏于北宮還政中山上谷彭城寇



26  
54

—  
:



己酉梁改元中大通衍復没身于同泰寺君臣  
以錢一億贖衍還政元顯自梁入洛稱帝  
改元達武徙攸于河北余朱榮自陽州入  
逐元顯迎攸返政

庚戌魏帝攸殺余朱榮于洛陽宮余朱兆自晉  
陽入徙攸于河東殺之余朱世隆立長廣  
王曄于長子改元達明

辛亥梁昭明太子統卒晉安王綱為太子魏余  
朱兆廢曄立惠陵王子恭于洛陽是謂節  
閔改元普泰還鎮晉陽冀州刺史高歡稱



兵信都立章武王子勃海太守朗于信都  
改元中興歡稱丞相

○高句麗安藏王薨王弟寶遜踐位

壬子魏高歡罷據鄴余朱兆于韓陵西平并州  
南入洛廢恭殺之又廢朗于河陽殺之又  
立平陽三修于洛陽改元太昌再改元永  
熙還鎮鄴專制余朱兆走秀容死修立是  
謂武帝

○駕洛國王金仇衡降于新羅駕洛亡

○新羅始稱年號曰達元○百濟移都



泗泚國號南扶餘

癸丑魏高歡平尔朱氏

甲寅魏高歡入洛帝修西走長安歡立清河王

子善見是謂靜帝改元天平徙洛陽四十

萬戶于鄴都之是謂東魏歡鎮太原都督

中外專制宇文泰廢修于長安殺之立南

陽王寶炬是謂文帝改元大統是謂西魏

泰都督中外專制

乙卯梁改元大同

丙辰侯景為東魏右僕射南行臺



丁巳西魏宇文泰大敗東魏高歡軍于沙苑

戊午東魏改元元象高歡大敗西魏宇文泰軍

于洛陽

己未東魏改元興和

庚申 ○新羅法興王薨立弟立宗之子多麥

宗 ○新羅王年七歲太后攝政選童男

容儀端正者號風月主求勇士為徒以

勵孝悌忠信以異斯夫拜兵部令內外

兵馬事

辛酉



壬戌

癸亥東魏改元武定高歡大敗西魏宇文泰軍

于芒山遂拔洛陽

經世之申二千二百五十三

甲子梁武帝四十三年○西魏文帝十一年○

東魏靜帝十一年○新羅真興王五年○

高句麗安原王十四年○百濟聖王二

十二年

○新羅創興輪寺許度人為僧尼

乙丑



丙寅梁武帝三失身于同泰改元中大同羣臣  
及皇太子畢會于同泰是夜同泰大火

○高勾麗安原王薨太子平成踐位○

新羅王從異斯夫之請命大阿飡金居  
叅夫等集文士修撰國史

丁卯梁改元太清東魏渤海王高歡卒于晉陽

子澄繼事侯景以河南十三州叛慕容紹

宗敗侯景于長社景南走壽春附于梁封  
為河南王

戊辰侯景兵犯梁達鄴立蕭王德于南關



然世書補紀卷之四 四十九

己巳侯景敗梁臺城殺衍立太子綱是謂文帝

景稱大丞相都督中外軍事專制湘東王

繹開府江陵將王僧辯陳霸先率兵攻侯

景東魏盜殺高澄于晉陽弟洋自鄴還晉

陽繼事

○梁遣使送佛舍利于新羅百官迎之

○百齊王不知梁有侯景之亂遣使朝

梁使者至梁見城闕殘毀號泣於端門

外見者莫不灑淚景聞之大怒執囚之

及景平得還○高勾稽遣使朝北齊齊



冊封麗王○新羅遣將居漆夫擊取高  
句麗十郡○伽倻樂師于勒知國將亂  
携樂器投新羅王置之國原命法智瞽  
古萬德等學樂

庚午梁改元太寶侯景稱相國漢王逼綱走西  
州西魏拔梁之安陸取漢中地東魏高洋  
入搃百揆進爵為齊王五月洋代東魏命  
是謂宣帝改國為齊元曰天保降其君善  
見為中山王

辛未侯景廢梁帝綱又殺之立豫章王棟改元



天正又廢之代立改國為漢元曰太始西

魏文帝寶炬卒子欽繼一

壬申梁湘東王繹平侯景使將朱買臣殺棟稱

帝江陵是謂元帝改元承聖以陳霸先為

征北大將軍王僧辯為揚州刺史武陵王

紀稱帝成都年用天正西魏稱元年

癸酉梁平武陵王于蜀西魏宇文泰殺尚書元

烈

甲戌梁蕭督引西魏兵陷江陵殺繹及諸王

將軍陳霸先揚州刺史王僧辯立繹之子



晉安王方智于潯陽是謂恭帝還都達鄴  
王僧辯為太尉居內陳霸先為司空鎮丹  
徒西魏宇文泰弒其君欽立齊王廓改元  
元年恭用蕭管南征拔江陵殺繹徙其民  
于長安

○百濟王率兵侵新羅軍主金武力擊  
殺之百濟謚王曰聖子昌踐位○新羅  
以國原為小京徙貴戚子弟及六部內  
豪民以實之

乙亥梁真陽侯蕭明自齊入至東閔太尉王僧



辯拒之不勝遂迎蕭明入達鄴立之降方  
智為太子改元天成司空陳霸先自丹徒  
入殺王僧辯廢蕭明為司徒封達安公復  
立方智改元蕭恭霸先為尚書都督中外  
專制是年蕭譽稱帝江陵改元太定北附  
于宇文氏是謂後南涼

丙子梁改元太平陳霸先稱相國敗齊軍于江

上西魏宇文泰卒子覺繼事是年覺代西

魏命于長安是謂閔帝改國為周是謂後

周元稱元年降其君廓為宋國公



丁丑梁相國陳霸先進爵為陳君十月陳霸先  
代梁命于達鄴是謂武帝改國為陳元曰  
永定降其君方智為江陰王周亂宇文護  
弒其君覺立宇文毓是謂明帝稱元年護  
為太宰專制

戊寅梁蕭莊以郢州稱帝求援于齊

己卯陳武帝霸先終兄臨川王蒨立是謂文帝  
以子伯宗為太子周宇文毓稱天王改元  
武成齊宣帝洋卒子殷繼于晉陽以諸父  
演為太師湛為司馬元氏宗室無少長皆



殺之投于漳水

○高句麗陽原王薨太子陽成踐位

庚辰陳改元天嘉周亂宇文護弒其君毓立其

弟邕是謂武帝齊改元乾明太師高演弒

其君殷代立是謂昭帝改元遑建

辛巳周改元保定齊帝演卒于晉陽大司馬湛

立改元太寧是謂武成

壬午齊改元河清還都鄴後南涼蕭譽卒于歸

繼改元天保

○新羅命異斯夫討滅大伽耶是役斯



多舍者奈勿王七世孫也年十六為國  
仙領其徒千餘人請從軍遂滅其國師  
還策功賞以良田及所虜三百口舍分  
其田與戰士生口放為良人無一留者  
國人羨之○新羅皇龍寺成鑄丈六像

癸未

甲申周齊戰于洛陽

乙酉齊高湛傳子緯位改元天統

丙戌陳改元太康文帝薨終太子紹宗嗣立庶

兄頊錄尚書都督中外軍事專制周改元



天和

丁亥陳改元光大

戊子陳亂安城王陳頊弒其君伯宗代立是謂宣帝

己丑陳改元太建以子叔寶為太子

庚寅齊改元武平

辛卯

壬辰陳將具明徹伐齊有功周巖封李淵為唐國公誅太宰晉公護改元建德

癸巳陳伐齊有功



經世之圖二千二百五十四

甲午陳宣帝頊七年○周武帝邕十五年○齊

武帝緯十年○後南涼蕭歸十二年○新

羅真興王三十五年○高句麗平原王

十六年○百濟威德王二十一年

乙未周大伐齊圍其晉州及洛陽

丙申周拔齊平陽及晉陽齊拒周不利晉州陷

于周緯走并州周圍并州緯走鄴改元隆

化兄宗德王延宗稱帝并州改元昌德并

州又陷于周



位以金居叅夫為上大等委以軍國事

○百濟侵新羅西鄙新羅命伊飡世宗

擊破於一善北斬獲頗多○高句麗百

濟遣使朝後周

丁酉周軍圍齊之鄴縉傳子恒位改元承光縉

走青州恒又禪丞相任城王措措稱守國

天王鄴人陷于周國遂亡縉亦就擒于青

州

州



戊戌周改元宣政帝邕卒于伐齊子贇繼是謂  
宣帝以揚堅為上柱國大司馬都督揚州  
改元天成

己亥陳將吳明徹伐周不利于呂梁淮南之地  
盡沒于周周帝贇傳子衍位是謂靜帝贇  
稱天元大帝改元大象

○新羅真智王薨太子銅輪子伯淨踐  
位

庚子周大帝贇終大司馬揚堅自揚州入抵朝  
政假黃鉞都督中外軍事專制堅召宇文



宗室在藩者六王至長安皆殺之天下兵起尉遲迥稱兵榮州石遜稱兵建州席毗稱兵沛郡席人羅稱兵兗州王謙稱兵益州堅悉平之進爵為隋王用天子服器鄭州蕭難以八州入于陳

辛丑周改元大定是年隋王楊堅代後周命于長安是謂文帝改國曰隋元曰開皇以高頽虞慶則李德林康世康暉元巖長孫毗楊尚希楊惠十人為之輔冊妃獨孤氏為皇后子勇為太子廣為晉王降其君行為



介國公殺之

壬寅陳宣帝頊終子叔寶繼是謂後主隋起新

宮于龍首崗

癸卯陳改元至德隋徙居新宮

甲辰後南涼蕭歸朝隋

乙巳後南涼蕭歸卒子琮繼

丙午隋成國公梁士彥祀國公宇文忻舒國公

劉昉謀興復不克伏誅梁蕭琮改元廣運

○高句麗移都長安城○高句麗百濟

遣使朝隋或朝陳○新羅星隕如雨



宗室在藩者六王至長安皆殺之天下兵起尉遲迥稱兵榮州石遜稱兵建州席毗稱兵沛郡席人羅稱兵兗州王謙稱兵益州堅悉平之進爵為隋王用天子服器鄭州蕭難以八州入于陳

辛丑周改元大定是年隋王楊堅代後周命于長安是謂文帝改國曰隋元曰開皇以高頽虞慶則李德林康世康暉元巖長孫毗揚尚希揚息十人為之輔冊妃獨孤氏為皇后子勇為太子廣為晉王降其君行為



Handwritten text, possibly a signature or date, written vertically on a small white label.



丁未陳改元禎明梁蕭琮納國于隋太傅安王

王蕭巖荊州刺史蕭瓛降于陳

戊申隋命晉王廣秦王浚河清公楊素督總管  
九十兵五十一萬為八路大伐陳以壽春

### 行臺府

己酉隋師伐陳以陳後主叔寶歸于長安

○新羅國西大水漂没人戶三萬三百

六十死者二百餘人發使賑之○隋既

平陳戰艦一艘漂至耽牟羅將還道經

百濟王厚送仍遣使奉表賀平陳隋主



善之下詔褒美○高句麗王聞陳亾大  
惧治兵積穀為拒守之計隋主爾書責  
之王將奉表陳謝竟不果

庚戌蘇越饒泉婺樂安蔣山永嘉餘杭交趾未  
服楊素悉平之

○高句麗平原王薨太子元踐位

辛亥

壬子

癸丑

甲寅東巡封泰山



乙卯

丙辰

丁巳

戊午伐高麗無功

○百濟威德王薨弟二子李明踐位○

高句麗率靺鞨之眾萬餘侵遼西營州

總管韋冲擊走之隋主大怒命漢王諒

王世績將水陸三十萬兵來伐出臨渝

關值水潦軍餉不繼東萊水兵亦遭風

漂沒師還死者十八九麗王亦惧遣使



謝罪於是帝罷兵待之如初○百濟王  
聞隋有遼東之役遣使奉表請為鄉導  
隋下詔曰高元畏服歸罪朕已赦之不  
可致伐麗王恨之屢侵百濟

己未

○百濟惠王薨長子宣踐位下令禁殺  
生放民家鷹鷄禁漁獵之具○百濟命

太學博士李文真修國史

庚申廢太子勇冊晉王為皇太子

○百濟王宣薨謚曰法子璋踐位

辛酉改元仁壽命十六使巡行天下



壬戌命七大臣之禮

癸亥

經世之成二千二百五十五

甲子隋文帝二十五年○新羅真興王二十六

年○高句麗嬰陽王十五年○百濟武

王五年

皇太子廣行弒于仁壽宮代立是謂煬帝

是年幸洛陽建東都于郊鄜以洛州為豫

州

○新羅廢南川州復置北漢山州○新



羅王患高句麗屢侵封場遣使如隋請  
師帝許之

乙丑改元大業冊妃蕭氏為皇后子晉王昭為  
皇太子以宇文述為左衛大將軍郭衍為  
左武衛大將軍于仲文為右武衛大將軍  
楊素為太子太師安德王雄為太子太師  
河間王弘為太子太保道河由汴渚達于  
淮謂之道濟渠幸東都

丙寅幸江都還次東都太子昭卒封孫侗為越  
王侑為代王浩為秦王



經世言 卷之四 五十一

丁卯還長安北巡榆林作宮于晉陽光祿賀若

弼禮部郎宇文弘太常卿高穎伏誅西北

大等亭障

戊辰北巡五原作宮于汾陽導河由清水達于

海謂之永濟渠引沁水南達于河北通涿

郡

己巳西幸河右征吐谷渾至于覆袁

庚午南幸江都

辛未幸涿郡

○夏帝親征高麗徵四方兵皆集左右



總一百十三萬三千八百人號二百萬  
其餽運者倍之

壬申以兵百一十三萬三千八百為二十四軍  
分為左右道大伐遼東不利全陷九軍

○正月下詔罪責高句麗帝親授節度  
連營漸進首尾相繼鼓角相聞旌旗亘  
九百六十里近古出師之盛未之有也  
二月帝御師至遼東臨水為大陣麗兵  
阻水拒守隋兵不得濟帝命造浮橋以  
渡大戰于東岸麗兵大敗死者萬計進



曰遼東城帝戒之曰凡軍事皆須奏聞  
待報無得專擅城將陷城中人輒言請  
降諸將馳奏比報至城中守禦亦備隨  
出拒戰如此者再三帝終不悟三月帝  
幸遼東城南召諸將詰責之曰公等皆  
不顧我來今我來此欲觀公等所為斬  
公葦耳諸將戰惧失色高句麗諸城堅  
守不下大將軍來護兒帥江淮水軍舳  
艘數百里浮海先進入自沮水去平壤  
六十里遇麗兵進擊大破之乘勝直造



城下麗將伏兵於郭內出戰偽敗護兒  
逐入城縱兵俘掠無復部伍伏發大敗  
護兒僅免士卒還者數千人初大將軍  
宇文述于仲文等與諸將分出九道皆  
會於鴨綠水西人馬皆給百日糧又齎  
衣資戎具重莫能勝士卒皆於幕下掘  
坎埋之纔及中路糧已乏匱高句麗王  
遣大臣乙支文德詣其營詐降畢竟隋  
軍大敗惟衛文昇一軍獨全帝大怒繫  
述等七月癸卯引還是役也惟拔高句



麗武厲羅置遼東及通定鎮而已

癸酉以代王侑留守長安越王侗留守東都秦  
王浩從駕征遼東復大集兵于涿軍天下  
群盜起楊玄感以本兵叛于黎陽

○帝欲伐高句麗詔徵天下兵集涿郡  
帝謂侍臣曰高句麗小虜侮慢上國今  
拔海移山猶望克果况此虜乎光祿大  
夫郭榮諫不聽夏四月帝渡遼命諸將  
進攻遼東聽以便宜從事飛樓撞雲梯  
地道四面俱進晝夜不息高句麗應變



拒之二十餘日不拔，主客死者甚衆。會  
揚玄感反，書三帝大懼，密召諸將引軍  
還。

甲戌，高麗請降，乃班師。扶風盜稱帝，延安寇稱  
王，離石賊稱天子。

○帝議復伐，下詔略曰：黃帝五十二戰，  
成湯二十七征，盧芳小盜，漢祖尚且親  
征，隗囂餘燼，光武猶自登壇，豈不欲除  
暴止戈，勞而後逸者哉！三月，幸涿郡，親  
御戎服，禡祭于黃帝，斬叛軍，饗鼓，七月。



次懷遠鎮時天下已亂所徵兵多不至  
高句麗亦困弊乞降因送斛斯政帝大  
悅班師徵王入朝竟不從

乙亥北巡至于鴈門為突厥所圍

丙子南幸江都群盜李密稱兵河南竇建德稱  
兵河北林士弘稱兵江南徐圓朗稱兵東  
山劉武周稱兵代北薛舉稱兵隴右

丁丑煬帝在江都唐公李淵自晉陽入立代王  
侑于長安以江都帝為太上皇改元義寧  
淵稱唐王專制群盜竇建德稱王河北李



密進據鞏洛稱公國曰魏元曰永平薛舉  
稱帝隴右國曰秦元曰秦興梁師道稱兵  
夏州李軌稱兵涼州蕭銑稱兵巴陵李子  
通稱兵海陵朱粲稱兵寇車沈法興稱兵  
毗陵杜伏威稱兵歷陽

戊寅五月唐王李淵代隋命于長安是謂神堯  
皇帝改國曰唐元曰武德以裴寂劉文静  
為輔相世子達成為皇太子次子世民為  
秦王降其君為鄜國公是年宇文化及弒  
煬帝于江都立秦王浩為主化及稱王專



制北轉至魏州化及又弒浩代立稱帝國  
曰許元曰天壽又北走聊城王世充立越  
王侗于東都改元皇始世充稱鄭王專制  
群盜竇達德進有河北都樂壽隴右薛舉  
卒子仁果立劉武周進有河東稱帝國曰  
漢元曰天興梁師道進有朔方稱帝國曰  
梁元曰永隆李軌進有河右稱帝國曰涼  
元曰安樂蕭銑進有江陵及嶺表稱帝國  
曰梁元曰鳳鳴李子通進有江都稱帝國  
曰吳元曰明政朱粲進有山南稱帝國曰



楚元曰昌達沈法興進有江東稱王國曰  
梁元曰迺康林士弘稱帝虔州國曰楚元  
曰太平杜伏威進有淮南受唐封楚王秦  
王平隴右獲薛仁果

○高句麗嬰陽王薨弟建武踐位○三  
國皆遣使朝唐新羅使至高祖親勞問  
之遣常侍庾文素報聘賜璽書錦綵三  
百匹○高句麗遣使朝唐帝感隋末戰  
士多陷於高句麗賜三詔書在此高句  
麗人等已令括送彼處所有此國人者



王可放還於是高句麗悉搜隋人未還者萬餘送之

己卯唐秦王平河右獲李軌李密與王世充相攻不利奔唐復叛死于桃林將徐世勳以河南十郡降竇建德滅宇文化及于聊城自樂壽徙居洛南有黎陽之地稱帝國曰夏元曰五鳳蕭銑滅林士弘于虔州杜伏威南保江都李子通西保江陵王世充殺越王侗于東都稱帝國曰鄭元曰開明朱粲降于唐復殺唐使者奔王世充



庚辰唐秦王平河東劉武周走突厥李子通滅  
沈法興于江東徙居餘杭工部尚書獨孤  
懷恩以謀逆伏誅

辛巳唐秦王平河南北獲王世充及竇建德  
以歸杜伏威滅李子通于餘杭竇建德將  
劉黑闥復稱兵河北

壬午唐李靖滅蕭銑于金陵江南及嶺表平

癸未唐秦王平河北獲劉黑闥又平徐圓朗于  
曹州江淮杜伏威來朝其將輔公佑稱王

丹徒國曰宋



甲申唐李靖平輔公祐于江淮

○帝遣使三國冊封三國王○新羅遣使朝唐訟高句麗梗貢路○百濟侵新羅西鄙拔二城又欲大舉兵出屯熊津新羅告急於唐百濟乃止百濟王遣姪福信朝唐帝以羅濟世讐數相侵伐賜王璽書責諭百濟因奉表陳謝○新羅大飢沙梁宮諸舍人盜分倉穀有鈞君者獨不受竟被毒死○新羅遣將任末里舒玄等攻高句麗娘臂城麗兵遂擊



之羅師失利舒玄子虔信突陣斬將乘  
勝克城

乙酉唐加秦王中書令

丙戌皇太子達成齊王元吉作亂殺秦王不克  
秦王以長孫無忌尉遲敬德侯君集張公  
謹王君廓房玄齡杜如晦長孫順德柴紹  
羅藝劉師玄李世勣劉弘基王孝恭平之  
于玄武門帝乃授秦王世民位退居太安  
宮稱太上皇高士廉為侍中房玄齡為中  
書令蕭瑀為尚書右僕射



○高句麗築長城東北自扶餘城東南至海千有餘里凡十六年乃畢

丁亥改元貞觀尚書封倫卒蕭瑀為左僕射長

孫無忌右僕射

戊子平梁師道于朔方

己丑相裴寂以罪免房玄齡為尚書左僕射杜

如晦為尚書右僕射李靖為兵部尚書魏

徵守秘書監關議朝政

庚寅李靖平突厥獲頡利可汗戴胄蕭瑀參與

朝政温彦博為中書令



辛卯春大蒐于昆明冬幸温陽

○新羅遣使如唐獻二美女魏徵以為  
不宜受上喜曰彼林邑獻鸚鵡猶言苦  
寒思歸况二女遠別親戚乎付使者歸  
之

壬辰祀南郊

○新羅真平王薨德曼踐位是為善德  
王○唐帝賜牧丹花圖並子真平王以  
示德曼德曼曰此花絕艷而畫無蜂蝶  
必無香種其子果如其言一說王見畫



花笑曰此花妖艷富貴盡無蜂蝶必不  
香帝遺此豈朕以女人為王耶有微意  
癸巳魏徵為侍中領新定三經于天下  
經世之亥二千二百五十六

甲午唐廣孝皇帝九年○新羅善德王三年○  
高句麗營留王十七年○百濟武王二  
十五年

乙未李靖平吐谷渾獲其王放還本國太上皇  
崩于大安宮葬高祖于獻陵

丙申魏徵遷特進溫彥博遷右僕射



○百濟王率臣僚常遊泗泚河北浦時  
人稱為大王浦又創興王寺臨水窮極  
壯麗每親詣行香○唐遣使持節冊命  
新羅女王為柱國樂浪公新羅王○高  
句麗日無光三日

丁酉幸洛陽宮

戊戌高士廉為右僕射

己亥幸九成宮荒服十國來修貢

庚子侯君集平高昌獲其王以歸弘化公主嬪  
于吐谷渾至日圓丘祀皇天上帝



辛丑幸洛陽文成公主嬪吐蕃

○百濟王璋薨太子義慈踐位○高句麗太子桓權朝唐帝遣郎中陳大德報之大德所至城邑託觀山水遊歷殆遍悉得山川道路險易及還備陳高句麗虛實帝於是始有東征之意

壬寅幸岐陽

○百濟既取新羅國西獮狻等四十城又與高句麗謀欲取党項城絕朝唐之路新羅告急於唐○百濟將軍允忠陷



新羅大耶城都督金品釋殺妻子自刎  
幢下舍知竹竹閉城門拒之舍知龍石  
勸竹竹降以圖後效竹竹曰吾父名我  
以竹竹者使我歲寒不凋可折而不可  
屈豈可畏死生降乎遂力戰城陷與龍  
石同死王遣伊食金春秋乞師於高句  
麗欲報之品釋妻乃春秋女以故憤然  
有滅百濟之志與金庾信嚙指誓歸期  
至麗國請師麗王曰麻峴竹嶺本我國  
地地若還兵可出春秋抗辭以對王怒



囚之春秋以青衣賂寵臣先道解道解  
喻春秋以龜兔之說春秋悟移書於王  
曰臣得歸二嶺可還王信之厚禮歸之  
○高句麗蓋蘇文弒其君達武立王姪  
臧是謂寶藏王○新羅遣使如唐乞師  
來救帝不許命司農丞相里玄奘賜書  
書于高句麗喻以戢兵蘇文不奉詔帝  
又遣將儼喻旨蘇文賈使者囚宥室

癸卯圖二十四勳臣于凌烟閣內亂作皇子齊

王佑以齊叛廢太子承乾為庶人徙之黔



幽魏王泰于北苑徙之均以晉王治為皇太子誅侯君至日祀南郊

甲辰岑文本馬周為中書令幸洛陽及親征遼東

乙巳平高句麗

○帝自親征以張亮李世勣為將進攻遼東拔之以其城為遼州又攻白石城城主孫代音出降以其城為岩州○高句麗將高延壽高惠真等率其部及靺鞨兵來救之帝勅諸軍齊出奮擊龍門



人薛仁貴大呼陷陣所向無敵麗兵大

潰近壽惠真帥其眾降帝進攻安市城

城險兵精城主亦材勇圍城六旬堅守

不下帝以遼左早寒勅班師安市城主史失其名

中原人相傳以為梁高春鄒定國云

丙午李勣破薛延陀荒服十一國修貢

○高句麗東明王母塑像泣血三日

丁未起翠微宮于終南山

○新羅大臣毗曇廢宗欲廢主舉兵屯

於明活城王師營于月城金春秋督將



卒奮擊之毗曇等敗伏誅○新羅王德  
曼薨立王伯淨之弟國飯女勝曼○唐  
太宗復伐高句麗以牛進達李世勣為  
將攻南蘇石等城拔之○百濟將軍義  
直圍新羅茂山甘勿洞岑三城金庾信  
帥兵拒之有不寧子者銳意力戰橫槊  
突陣殺數人而其子舉真亦交鋒而死  
三軍感激齊進所向摧陷義直僅以身  
免○新羅主遣金庾信伐百濟大破之  
佐平仲常言於王乃擯還品釋夫妻之



骨○新羅主遣伊食金春秋及其子文  
汪如唐帝見春秋儀表英偉厚待之乃  
許詣國學觀釋奠及講論春秋因請天  
兵伐百濟乃勅蘇定方帥師伐百濟春  
秋又請改章服從華制留文汪以備宿  
衛春秋還至海上遇高句麗邏兵從者  
溫君解高寇大衣坐於舡上邏兵以為  
春秋殺之春秋乘小舡得免

戊申阿史那平龜茲獲其王以歸征松外蠻司

空房玄齡特進蕭瑀卒褚遂良為中書令



己酉帝崩于翠微宮皇太子治踐位葬太宗于  
昭陵長孫無忌褚遂良輔政復李勣官仍  
加特進于志寧張行成進侍中知政事  
庚戌改元永徽褚遂良罷政

○新羅始依華制為冠服○新羅主遣  
金法敏如唐告破百濟主又自製太平  
頌織錦為紋以獻又遣波珍飡金仁問  
如唐宿衛

辛亥征賀魯至于金山嶺至日有事于南郊

壬子冊陳王忠為皇太子韓瑗來濟為相宇文



節為侍中初諱為中書令

癸丑尉馬都尉房遺愛柴令武薛萬徹荆王元景及二公主以謀逆伏誅遂殺吳王恪褚遂良復為右僕射睦州女寇亂

甲寅筑長城羅城親謁昭陵

○新羅主勝曼薨初改元太和後行永徽年號始受百官朝賀及薨群臣立金春秋為玉○唐聞新羅主薨為舉哀遣使吊祭贈爵又遣使冊新羅王王命強首製謝表遣使謝恩



乙卯廢皇后王氏良姊蕭氏為庶人冊昭義武  
氏為皇后罷長孫無忌褚遂良政事以許  
敬宗李義府為相武后殺庶人王氏及蕭  
氏崔敦禮為中書令

○新羅金庾信攻百濟刀比川城克之  
丙辰以太子忠為梁王冊代王弘為皇太子改  
元顯慶社正倫為相

○高句麗王都兩鐵

丁巳幸許洛以洛陽為東都李義府進中書令  
許敬宗進侍中貶相韓瑗來濟為州刺史



○新羅東吐舍山地燼崩碎為米食之  
如陳倉米○百濟有衆狐入王宮○高  
句麗九虎入城○百濟宮中槐樹鳴聲  
如人哭夜見哭宮南路○新羅上大等  
金剛卒以金廈信代之○百濟五都并  
水赤又有鬼八宮中大呼百濟止百濟  
止即入地中王使人掘之深得一龜背  
有文曰百濟同月輪新羅如月新王問  
之巫解曰同月輪者滿也滿則虧如月  
新者未滿也未滿則漸盈王殺之○海



水赤如血西海濱群魚死百姓食不能  
盡泗泚河水赤如血蝦蟆數萬集於樹  
上都市人相驚走有僵仆死者凶失財  
物無筭又有犬如野鹿至泗泚河岸向  
王都而吠者王都群犬聚于路或哭或  
吠

戊午蘇定方平賀魯獲其王

己未殺長孫無忌褚遂良于流所幸東都

庚申廢梁王忠為庶人蘇定方平百濟獲其王

扶餘



○唐出師以蘇定方為神丘道行軍大  
總管金仁問為副總管帥水陸軍伐百  
濟勅新羅王為聲援王帥金庾信等出  
師百濟王問戰守便宜佐平義直以為  
先擊唐兵達率常水以先擊羅軍王猶  
豫未決問於興首曰白江炭峴我國要  
衝宜簡勇士守之使唐兵不得入白江  
羅軍不得過炭現大王重閉固守待其  
糧盡卒疲然後奮擊破之必矣左右沮  
而不用及聞唐羅兵已過白江炭現以



階伯為將帥死士五千拒之階伯知必  
敗盡殺家屬至黃山猝遇羅兵虜戰力  
屈而死之方問仁等到伎伐浦濟軍不  
能禦唐師乘勝進薄都城濟王知不免  
嘆曰悔不用成忠之策乃與太子孝率  
左右夜遁保熊津城王宮諸姬走大王  
浦巖石上墮死者亦衆於是王自熊津  
城詣之方降之方以濟王義慈及太子  
孝隆實及大臣壯士八千人渡海還百  
濟王自溫祚開基歷三十王移都者四

辛酉

浦巖石上墮死者亦衆於是王自熊津



凡六百七十八年唐以其地分置熊濠  
馬韓東明金連德安五都督府命劉仁  
願留鎮泗泚城

辛酉改元龍朔

○百濟王義慈卒於唐帝贈衛尉卿葬  
于陳叔寶墓側○新羅王金春秋薨子  
法敏踐位上謚曰武烈廟號太宗太宗  
統一三韓時和歲豐民謂聖代后曰文  
明即金庾信之妹○帝遣蘇定方領水  
陸三十五道兵伐高句麗諭新羅三帥



諸將會伐王移書定方還報曰我受命  
討賊涉海萬里艤舟徘徊已逾月而王  
之援兵不至糧又不繼王其圖之王問  
群臣皆以深入難之庾信曰臣受重寄  
死不辭難今日是老臣盡節之日當赴  
敵以副蘇將軍意於是與金仁問等九  
將率兵數萬車載米租二萬四千餘石  
赴平壤冰雪凝沍車馬僵仆庾信冒險  
前驅衆皆出死力僅達庾信欲先報之  
方而難見其人召麾下步騎監裂衣起激



以忠義遂與仇近等十五人冒矢石至  
唐營以定方謝書還往迴俱兩日會帝  
有詔班師庾信亦還麗兵欲要擊之庾  
信以鼓繫牛腰桴繫牛尾使揮擊有聲  
又積柴草燃之使烟火不絕示若屯宿  
然後夜半潛行麗兵覺而追之庾信拒  
戰萬弩俱發諸幢將士分擊敗之斬萬  
餘級虜五十餘人得兵械數萬師還論  
功庾信言於王授裂起近仇沙食

壬戌還長安達門下尚書中書為東中書三臺



分侍中中書令為左右相造蓬萊宮許圍  
師為左相尋下獄

癸亥起舍元殿于蓬萊宮李義府為右相尋配  
流雋州死改來年為麟德

○百濟武王從子福信起兵與浮屠道  
琛居周留城迎立義慈王子豐西北部  
皆應圍劉仁願於熊津城帝詔以郎將  
劉仁軌將王文度軍發新羅兵救仁願  
仁軌與羅兵合擊之福信釋圍退保任  
存城福信殺道琛并其眾以真覘城險



絕加兵守之仁軌夜督新羅兵薄城斬  
殺八百餘人遂通新羅饗道仁願奏請  
益兵詔遣將軍孫仁師率兵四十萬就  
熊津以益仁願之衆新羅王率金庾信  
等二十八將與之合勢士氣大振共擊  
周流城豐脫身走奔高句麗王子忠勝  
等帥其衆及助戰倭人比日降獨遲受信  
據任存城城險糧多攻之三旬不下有  
常之者百濟西部人驍毅有謀略當義  
慈之敗與左右十餘人遊去嘯合遁也



依任存山自固不旬日遂復二百餘城  
與別浦相與據險以應福信至是帝遣  
使諭降仁軌待以赤心訖用其謀取任  
存城悉平之



目錄七言 補編卷之四

三十三

康節先生皇極經世書東史補編通載卷之四











